

Alius modus.

Zum andern/ mache ichs auch auff diese Weise: Ich feyle das Holz ganz klein/ giesse Wasser darüber/ vnd schärfte solches mit ein ein Spiritu, oder Olco Vitrioli, lasse es in gelinder Wärme 2. Tage mit einander digerirn, alsdenn kochte ichs etliche Stunden aneinander/ vnd wenn das Wasser abnime/ giesse ich frisches daran/ vnd lasse es also fort sieden.

Darnach giesse ich das Wasser herunter/ vnd lasse sichs setzen/ das Reine filtrir ich/ oder giesse es sonsten fein gemacht herunter/ vnd lasse es in einer gläsernen Schalen oder Waldenburgischen Instrument abrauchten/ bis ein dicker liquor draus werde/ der hat einen dinnen liquorem bey sich/ das Dickte nehme ich heraus/ vnd wenn es kalt wird/ wirds wie ein Hart- oder Gummi, dieses thu ich in eine Retorten/ vnd destillire es aus dem Sande/ so steigt ein schönes vnd liebliches Del herüber/ dieses rectificir ich einmal oder zwey/ so habe ich/ was ich begehre / vnd nachdem das Holz ist/ nachdem hat es auch Tugenden.

Vnd dieses muß ich hierbey erinnern/ daß vnser Eichen-Holz so gut ist/ als kein Frankosen-Holz/ denn es in den Frankosen eben dasjenige verarrichtet/ vnd man darff es so thewer nicht bezahlen.

Ich habe es in praxi befunden/ daß es den Schweiß so wol getrieben/ als kein ander dergleichen Frankosen-Holz.

Wir Teutschen sind also gearthet/ was nicht frembde ist/ achten wir nicht/ aber wir werden bisweilen durch die Rauffleute vbel verwahret/ vnd were besser/ wir gingen vnsern Gewächsen fleissiger nach/ als daß wir vns auff die exotica verlassen/ vnd wird dadurch der Med. cus. vnd patient betrogen/ vnd wenn es allein bey mir stünde/ es solte das Frankosen-Holz bald aus Teutschland gebracht/ vnd hingegen vnser Hölzer in Brauch gebracht werden.

Vnd was ich von dem Eichen-Holz gesagt/ kan auch von dem Hasel-Hollunder- vnd Wacholder-Holz verstanden werden/ in diesen dreym warrlich auch eine grosse Krafft liegt/ viel Kranckheiten radicis damit zu curiren.

Vnd solcher herrlichen Medicinalischen Hölzer wolte ich einen langen Catalogum erzählen/ vnd würde man sehen/ wie GOTT vnser Teutschland so reichlich mit guten Gaben versehen/ dergleichen wol in andern Landen mangeln solte/ aber wir wollen es nicht glauben/ sondern